



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-573/10
Sarajevo, 29.3.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	30.03.2010		
Organizaciona jedinica	Klasifikaciona oznaka	Prilogi	Broj priloga
01-50-1-15-41/10			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 117. sjednici održanoj 25.3.2010. godine, utvrdilo je Odgovor na zastupničko pitanje koje je postavio gosp. Adem Huskić, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA VIJEĆE MINISTARA

Broj: 05-50-573/10
Sarajevo, 25.3.2010. godine

Adem Huskić, poslanik u Predstavničkom domu Parlamentarne skupštine Bosne i Hercegovine, na 71. sjednici Predstavničkog doma održanoj 03.02.2010. godine, postavio je sljedeće poslaničko pitanje:

"Zbog čega JP "Službeni glasnik BiH" ne primjenjuje izmjene i dopune Zakona o Službenom glasilu BiH objavljen u "Službenom glasilu" broj 103/09, a posebno imajući u vidu odredbe Zakona o slobodi pristupa informacijama koje je usvojio ovaj Parlament a koje su objavljene u "Službenom glasilu" broj 102/09?"

Na postavljeno pitanje Vijeće ministara Bosne i Hercegovine je na 117. sjednici održanoj 25. 3. 2010. godine, utvrdio sljedeći

ODGOVOR

Parlamentarna skupština Bosne i Hercegovine je na 69. sjednici Predstavničkog doma Parlamentarne skupštine Bosne i Hercegovine, održanoj 30.12.2009. godine i na 40. sjednici Doma naroda Parlamentarne skupštine Bosne i Hercegovine, održanoj 30.12.2009. godine usvojila Zakon o dopuni Zakona o službenom glasilu Bosne i Hercegovine ("Službeni glasnik BiH", broj 103/09), koji je stupio na snagu 07.01.2010. godine.

Članom 5a. navedenog zakona propisano je sljedeće:

„Zakoni i podzakonski akti objavljeni u „Službenom glasniku BiH“ objavljuju se i na web stranici Službenog glasnika Bosne i Hercegovine i besplatno su dostupni javnosti“.

Javno preduzeće Službeni glasnik BiH, je počelo sa realizacijom odredaba člana 2. Zakona o dopuni Zakona o službenom glasilu Bosne i Hercegovine, dana 07.01.2010. godine.

Ministarstvu pravde BiH je od strane Službenog glasnika BiH dostavljena i informacija broj: 4-1-04-1-135/1-10 od 02.03.2010. godine, u vezi zastupničkog pitanja zastupnika Adema Huskića, u kojoj je navedeno:

- da su se u primjeni Zakona o dopuni Zakona o službenom glasilu Bosne i Hercegovine pojavile određene nejasnoće i problemi tehničke prirode, koje je po mišljenju JP NIO Službeni list BiH trebalo regulisati podzakonskim aktima.
- da je Upravni odbor JP NIO Službeni list BiH je donio zaključak da se nadležne institucije Bosne i Hercegovine u vezi sa primjenom odredaba Zakona obavijeste o sljedećem:
 - da se dopuna zakona odnosi na zakone i podzakonske akte, dok nije navedeno na koji način će se objavljivati ostali akti institucija BiH;
 - da se zakoni i podzakonski akti objavljuju na web stranici Službenog glasnika BiH;
 - da Službeni glasnik BiH nema svoju web stranicu;
 - da se osnovano ne može utvrditi na osnovu odredaba Zakona da je riječ o uspostavljanju nove web stranici JP NIO Službeni list BiH;

- da shodno naprijed navedenom ostaje niz nedefiniranih pitanja koja se odnose na uspostavljanje, upravljanje, nadzor, format i izgled stranice kao i niz drugih pitanja.

Dalje je navedeno da su odredbe Zakona neprecizne u dijelu koji se odnosi na objavljivanje zakona i podzakonskih akata.

Takođe je istaknuto da je u obrazloženju Zakona o dopuni Zakona navedeno, da za sprovođenje istog, nije potrebno obezbijediti dodatna finansijska sredstva u budžetu institucija Bosne i Hercegovine. Međutim, primjena zakona iziskuje značajna finansijska sredstva, što direktno utiče na poslovanje JP NIO Službeni list BiH (kupovina i instaliranje internet servera+backup servera, osiguranje posebne prostorije sa specifičnim uvjetima mikroklimе, iznajmljivanje internet konekcije velike brzine, instaliranja neophodne softverske podrške i programa neophodnih update i administriranje servera, postojanje educiranog kadra za potrebe on-line izdanja, stalna ulaganja u njihovu edukaciju, izrada baze podataka i sl., stalna ulaganja u PC, server i svu prateću opremu –routeri, swisheri, hubovi itd.).

Pored naprijed navedenog istaknuto je da JP NIO Službeni list BiH za pripremu implementaciju Zakona nije ostavljen rok, a što je bilo neophodno. Bez obzira na navedeno sa implementacijom Zakona se počelo 07.01.2010. godine.

U informaciji je navedeno da JP NIO Službeni list BiH nije učestvovalo u izradi Zakona čime bi se sigurno došlo do kvalitetnijih rješenja na osnovu kojih bi se Zakon brže i jednostavnije implementirao, a korisnici usluga bili zadovoljniji.

Bez obzira na sve nejasnoće u primjeni Zakona JP NIO Službeni list BiH je u informaciji navelo da je sa svojim ljudskim i tehničkim potencijalima i iskustvom spremno i osposobljeno da u svakom trenutku odgovori najsloženijim zahtjevima, pogotovo onih koje se odnose na realizaciju odluka Parlamentarne skupštine BiH, kao i drugih institucija BiH, te da očekuju da će u narednom periodu biti u mogućnosti da aktivno učestvuje u kreiranju odredaba zakona i drugih propisa koji se odnose na JP NIO Službeni list BiH, u cilju lakše i jednostavnije implementacije istih.

Istovremeno su predložili da se u cilju otklanjanja neizvjesnosti i dilema koje se odnose na rad i poslovanje JP NIO Službeni list BiH okončaju aktivnosti na donošenju propisa koji se odnose na rješavanje pravnog statusa ove institucije.